

Na osnovu Zakona o udruženjenjima i fondacijama Federacije Bosne i Hercegovine (Službene novine FBiH broj 45/02) Udruženje građana "ZAŠTO NE" na sjednici Skupštine održanoj dana 15.11.2010 u Sarajevu, donosi:

## **STATUT Udruženje građana "ZAŠTO NE"**

### **OPŠTE ODREDBE**

#### **Član 1.**

Ovim statutom utvrđuje se:

- 1) naziv i sjedište udruženja;
- 2) ciljevi i djelatnost udruženja;
- 3) zastupanje i predstavljanje udruženja;
- 4) organi udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom, funkciju lica ovlaštenog da saziva skupštinu;
- 5) oblik i sadržaj pečata udruženja;
- 6) sticanje i raspolaganje imovinom;
- 7) način donošenja finansijskog izvještaja i izvještaja o radu;
- 8) postupak za donošenje statuta, izmjena i dopuna statuta i drugih općih akata udruženja;
- 9) uvjete i način učlanjenja, prestanak članstva, kao i prava, dužnosti i odgovornost članova udruženja;
- 10) uvjete i postupak za pripajanje, razdvajanje, transformaciju ili prestanak rada udruženja;
- 11) pravila za raspodjelu preostale imovine u slučaju prestanka rada udruženja.

### **1. NAZIV I SJEDIŠTE**

#### **Član 2.**

Udruženje radi i djeluje pod nazivom Udruženje građana "ZAŠTO NE".

#### **Član 3.**

Sjedište Udruženja je u Sarajevu u ul. Džemala Bijedića 309, Ilidža a djelovanje Udruženja je na cijelom području Federacije Bosne i Hercegovine.

## **2. CILJEVI I DJELATNOST**

### **Član 4.**

Udruženje će djelovati u skladu sa sljedećim ciljevima:

- a) Afirmacija građanskog društva kroz: promociju vrijednosti civilnog društva; aktivizam u oblicima organiziranja događaja, cyberaktivizma, iniciranja i vođenja relevantnih procesa koje vode pozitivnim promjenama u BH društvu; mirovni aktivizam i promociju kulture mira i nenasilja; promociju kulture različitosti u BiH
- b) Promocija ljudskih prava i prava manjina
- c) Promocija zaštite okoline
- d) Promocija i afirmacija nezavisne kulture i umjetnosti;
- e) Rad na procesima promicanja dalje demokratizacije BiH;
- f) Umrežavanje i saradnja sa drugim organizacijama i institucijama u zemlji i inostranstvu

Udruženje je dobrovoljno, samostalno i ne stranačko udruženje djece, omladine i odraslih.

### **Član 5.**

Udruženje građana "Zašto ne" je nevladina, nepolitička i neprofitna aktivistička organizacija koja se bavi sljedećim djelatnostima: promocijom kulture mira i nenasilja, demokratizacijom bh. društva, aktivizmom, neprofitnim izdavaštvom, audio video i digitalnom produkcijom za potrebe aktivnosti udruženja, organiziranjem javnih događaja relevantnih za ostvarivanje ljudskih prava i promociju kulture, podrškom nezavisnoj kulturi i umjetnosti, istraživačkim radom, edukacijom mladih, te javnim dijalogom po pitanjima od suštinskog značaja za demokratsko društvo u BiH.

## **3. ZASTUPANJE I PREDSTAVLJANJE**

### **Član 6.**

U redovnoj djelatnosti, pravnom prometu u zemlji i inostranstvu Udruženje predstavlja predsjednik Upravnog odbora i druge osobe ovlaštene za predstavljanje i zastupanje Udruženja.

### **Član 7.**

Imenovanje osoba ovlaštenih za predstavljanje i zastupanje Udruženja vrši predsjednik Upravnog odbora.

**4. ORGANI UDRUŽENJA, NJIHOVE OVLAŠTI, NAČIN IMENOVANJA I OPOZIVA, TRAJANJE MANDATA, KVORUM I PRAVILA GLASANJA, UKLJUČUJUĆI I PITANJA O KOJIMA SE ODLUČUJE KVALIFICIRANOM VEĆINOM, FUNKCIJU LICA OVLAŠTENOG DA SAZIVA SKUPŠTINU**

**Član 8.**

Organi Udruženja su:

- a) Skupština Udruženja;
- b) Upravni odbor;

Navedene organe Udruženja bira Skupština Udruženja na svom zasjedanju.

**A) Skupština Udruženja**

**Član 9.**

Skupština Udruženja je najveći organ upravljanja a sačinjava je ukupno članstvo sa uredno ispunjenim aktima za pristupanje.

Skupština Udruženja može punovažno raditi i odlučivati ako sjednici prisustvuje najmanje dvije trećine od ukupnog broja registrovanih članova. Odluka se smatra donesenom ako je za istu glasala nadpolovična većina od ukupnog broja prisutnih članova na sjednici. Skupština odluke donosi javnim glasanjem.

**Član 10.**

Skupštinu Udruženja saziva i njome presjedava Predsjednik Skupštine. Skupština udruženja može biti redovna i vanredna. Redovna skupština se održava dva puta godišnje a vandredna po potrebi. Sjednicu skupštine udruženja, predsjednik Skupštine je dužan sazvati na pismeni zahtjev: Upravnog odbora ili jedne trećine od ukupnog broja registrovanih članova. Po prijemu pismenog zahtjeva predsjednik Skupštine je dužan da u roku od petnaest dana sazove Skupštinu Udruženja.

## Član 11.

Skupština Udruženja:

- 1) donosi statut, izmjene i dopune statuta i druge akte određene statutom;
- 2) daje saglasnost na pravne radnje poduzete u postupku osnivanja udruženja;
- 3) bira i opoziva članove upravnog odbora i Predsjednika skupštine Udruženja;
- 4) usvaja izvještaje koja je pripremio upravni odbor ili lice ovlašteno za zastupanje i predstavljanje;
- 5) odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruženja;
- 6) odlučuje o svim pitanjima koja nisu u nadležnosti drugog organa.

Ostale nadležnosti Skupštine udruženja su:

- usvaja finansijski plan i završni račun;
- utvrđuje oblik i vrstu priznanja, pohvala i nagrada;
- odlučuje i o drugim pitanjima koja se stave u nadležnost ili postave na dnevni red.

## B.) Upravni odbor

### Član 12.

Upravni Odbor je izvršni organ Skupštine koji Skupština bira iz reda delegata na period od (4) četiri godine sa mogućnošću ponovnog izbora. Upravni Odbor sačinjava (5) pet članova.

Za svoj rad Upravni Odbor je odgovorno Skupštini Udruženja.

### Član 13.

Upravni odbor radi i odlučuje na sjednicama Upravnog odbora koje saziva Predsjednik Upravnog odbora jednom sedmično ili na zahtjev tri člana Upravnog odbora. Sjednicom predsjedava Predsjednik Upravnog odbora. Ostala pitanja iz domena rada Upravnog odbora Udruženja regulišu se poslovníkom o radu Upravnog odbora.

### Član 14.

Upravni odbor je nadležan da:

- 1.) Pripema sjednice Skupštine
- 2.) Predlaže nacрте izmjena Statuta i drugih akata i odluka koje donosi Skupština zajedno sa predsjednikom Skupštine;
- 3.) Provodi politiku, zaključke i druge odluke koje je donije Skupština;

- 4.) Upravlja imovinom Udruženja
- 4.) Podnosi Godišnje ili periodične izvještaje o svom radu Skupštini na usvajanje;
- 5.) Vršiti druge poslove predviđene Statutom;

Ostale nadležnosti Upravnog Odbora:

- utvrđuje prijedloge programa, planova, izvještaja, finansijskog plana, završnog računa, opštih i pojedinačnih akata;
- stara se o sprovođenju Statuta i drugih opštih akata;
- odlučuje o raspolaganju sredstvima u skladu sa finansijskim planom i potrebama;
- obavlja i druge poslove koje mu Skupština stavi u nadležnost;
- donosi odluke o radu Udruženja u skladu sa Statutom i pozitivnim zakonskim propisima;
- donosi Poslovnik o radu Upravnog odbora.

#### **Član 15.**

Predsjednik Upravnog odbora se bira iz redova članova Upravnog odbora na period od (4) četiri godine sa mogućnošću ponovnog izbora a bira ga Skupština na svom zasjedanju. Predsjednik Upravnog odbora predsjedava Upravnim odborom i ovlaštena je osoba za predstavljanje i zastupanje Udruženja.

#### **Član 16.**

Nadležnosti Predsjednika Upravnog odbora su:

- saziva sjednice Upravnog odbora, predlaže dnevni red i predsjedava istim;
- stara se o ostvarivanju programa rada Udruženja;
- obavlja druge poslove koje mu povjeri Upravni odbor ili Skupština Udruženja, a u skladu sa Statutom i pozitivnim zakonskim propisima;
- Predsjednik Upravnog odbora zastupa i predstavlja Udruženje a u slučaju njegove spriječenosti za rad zamjenjuje ga drugi član Upravnog odbora kojeg odredi predsjednik.

#### **Član 17.**

U slučaju odsutnosti Predsjednika zamjenjuje ga jedan od članova Upravnog odbora, koje ovlasti Upravni odbor, koji u tom slučaju ima sve nadležnosti i ingerencije Predsjednika.

## **5. OPIS OBLIKA I IZGLEDA PEČATA UDRUŽENJA**

### **Član 18.**

Pečat Udruženja je okruglog oblika, prečnika 30 mm., po čijem obodu je naizmjenično ispisano "Omladinska organizacija", u sredini ispisano je ime Udruženja "ZAŠTO NE".

## **6. NAČIN STICANJA I RASPOLAGANJA SREDSTVIMA**

### **Član 19.**

Udruženje za izvršenje svojih zadataka stiče sredstva iz sljedećih izvora:

- dobrovoljnih priloga, poklona, zavjestanja, donacija fizickih i privatnih lica;
- prihoda ostvarenih djelovanjem privrednih i drugih subjekata koji se bave privrednim i ne privrednim poslovima kojim je Udruženje osnivač u skladu sa zakonom;
- ostalih prihoda u skladu sa zakonom.

### **Član 20.**

Sredstvima Udruženja raspolaže Upravni odbor u skladu finansijskim planom i potrebama .

### **Član 21.**

Radi ostvarivanja zakonitih ciljeva i aktivnosti, utvrđenih ovim Statutom, predsjednik Upravnog odbora će profesionalno obavljati poslove u Udruženju. Za izvršavanje tih poslova pripadaće mu određena novčana nadoknada i prava, što se na prijedlog Upravnog odbora utvrđuje posebnom odlukom Skupštine Udruženja.

Profesionalno obavljanje poslova predsjednika Upravnog odbora traje do kraja obnašanja ove funkcije ili isteka mandata. U slučaju ne postojanja finansijskih sredstava za isplatu troškova naknade za rad Predsjednika Upravnog odbora Predsjednik nastavlja poslove obavljati bez novčane naknade o čemu Skupština Udruženja donosi odluku.

## **7. NAČIN PODNOŠENJA FINANSIJSKOG IZVJEŠTAJA I IZVJEŠTAJA O RADU**

### **Član 22.**

Upravni odbor je obavezan u mjesecu decembru tekuće godine da na usvajanje PLAN RADA za slijedeću godinu Skupštini Udruženja. Samo tako usvojeni PLAN je punovažan.

### **Član 23.**

Godišnji finansijski izvještaj Upravni odbor Udruženja podnosi Skupštini Udruženja.

## **8. NAČINI DONOŠENJA STATUTA, IZMJENA I DOPUNA STATUTA I DRUGIH OPĆIH AKATA UDRUŽENJA**

### **Član 24.**

Statut Udruženja donosi Skupština na svojoj sjednici nadpolovičnom većinom glasova prisutnih članova a na prijedlog predsjednika Skupštine. Izmjene i dopune Statuta, kao i drugi opći akti Udruženja, se donose na način i po postupku kao i kod donošenja Statuta.

## **9. USLOVI I NAČIN UČLANJENJA U UDRUŽENJE I PRESTANAK ČLANSTVA KAO I PRAVA, DUŽNOSTI I ODGOVORNOST ČLANSTVA**

### **Član 25.**

Članstvo Udruženja čine:

- redovni članovi;
- dobrotvori i
- počasni članovi.

Član Udruženja može postati svaki državljanin BiH kao i strani državljanin koji svojim učlanjivanjem želi pomoći mladim ljudima u ostvarivanju programskih ciljeva Udruženja, u skladu sa Zakonom.

Članstvo u Udruženje je dobrovoljno i vrši se pristupanjem, popunjavanjem pristupnice i matičnog kartona člana. Svaki član je dužan pročitati Statut i druge akte Udruženja i izjaviti da prihvata njihove odredbe.

Članovi dobrotvori uplaćuju jedinstvene novčane iznose čije početne iznose utvrđuje Skupština Udruženja ili daruje drugu korisnu vrijednost Udruženju koja odgovara utvrđenoj novčanoj vrijednosti.

Za naročite zasluge učinjene za razvoj Udruženja, Skupština Udruženja na obrazložen prijedlog Predsjedništva Udruženja može pojedine osobe proglasiti počasnim članom Udruženja.

#### **Član 26.**

Član Udruženja ima slijedeća prava, dužnosti i odgovornosti:

- da učestvuje u radu i aktivnostima Udruženja;
- da bira i bude biran u organe Udruženja i druga tijela ukoliko se formiraju;
- da povjerene zadatke izvršava na vrijeme i u skladu sa Statutom i drugim aktima Udruženja, kao i u skladu sa pozitivnim zakonskim odredbama;
- da pruža pomoć Udruženju u granicama svojih mogućnosti;
- da bude informisan o svim aktivnostima koje provodi Udruženje;
- za svoj rad odgovara moralno i materijalno pred pretpostavljanim organima u skladu sa Statutom;
- da prima pomoć u skladu sa Statutom i drugim aktima Udruženja.

#### **Član 27.**

Prestanak članstva u Udruženju može biti:

- dobrovoljnim istupanjem i
- isključenjem

Prestanak članstva dobrovoljnim istupanjem počinje od momenta povlačenja pristupnice, odnosno matičnog kartona člana i vraćanja članske karte.

Isključenje člana iz Udruženja vrši Skupština Udruženja javnim glasanjem, ukoliko se za takvu odluku izjasni nadpolovična većina prisutnih članova i takva odluka je konačna.

#### **Član 28.**

Isključenje člana iz Udruženja se vrši zbog:

- ne izvršavanja i ne poštivanja programskih ciljeva Udruženja (*Član 4. ovog Statuta*);
- pravosnažne sudske odluke kojom se član Udruženja osuđuje na kaznu zatvora u trajanju od šest mjeseci i više,
- javno nastupanje koje šteti ugledu i radu Udruženja.



## **10. UVJETI I POSTUPAK ZA PRIPAJANJE, RAZDVAJANJE, TRANSFORMACIJU ILI PRESTANAK RADA UDRUŽENJA**

### **Član 29.**

Odluku o pokretanju postupka za pripajanje, razdvajanje, transformaciju ili prestanak rada udruženja donosi Skupština udruženja ukoliko se dvije trećine ukupnog članstva podrži odluku.

## **11. PRAVILA ZA RASPODJELU IMOVINE U SLUČAJU PRESTANKA RADA UDRUŽENJA**

### **Član 30.**

Udruženje će prestati da radi i postoji ukoliko se dvije trećine ukupnog članstva izjasni da nema interesa za dalji rad i postojanje. Odluka se može donijeti samo ako na sjednici Skupštine Udruženja prisustvuje više od dvije trećine članstva Udruženja.

U tom slučaju sredstva Udruženja pripadaju gradu Sarajevu.

## **12. JAVNOST RADA**

### **Član 31.**

Rad organa Udruženja je javan, a sjednice organa su otvorene za javnost. U ime organa udruženja javno može nastupiti samo Predsjednik Upravnog odbora ili druga lica ovlaštena za predstavljanje i zastupanje udruženja.

### **Član 32.**

U cilju ostvarivanja javnosti rada i informisanja kao jednu od aktivnosti Udruženje može osnovati vlastito glasilo kao štampani materijal, radio i televizijski program u skladu sa zakonom, ili javnost informirati putem oficijelne web stranice Udruženja.

## 12. ZAVRŠNE ODREDBE

### Član 33.

Ovaj Statut stupa na snagu danom donošenja na skupštini Udruženja održanoj u Sarajevu dana 15.11.2010 godine .



PREDSJEDNIK SKUPŠTINE

*Dušan Parkes*

**OVJERAVA FEDERALNO MINISTARSTVO PRAVDE**

**Broj: 03-054-992/97**

**Sarajevo, 13.01.2011. godine**

**MINISTAR**

**Feliks Vidović**

